



Aningaasaqarnermut Naalakkersuisoq

Ulloq: 16-12-2022

J.nr.: 01.31.06/22-00997

Aningaasaqarnermut Akileraartarnermullu Ataatsimiititaliap sisamangornermi ulloq 15. december 2022-mi aalajangiineranik Naalakkersuisunut ilisimatitsineq

Isumaqatigiissitsiniarnermut suliamut, Greenland Minerals A/S-ip Namminersorlutik Oqartussanut aamma danskit naalagaaffiannut suliakkiussaanut atatillugu atugassiinerit. Ataatsimiititaliap suliaa nr. 00997.

"Naalakkersuisut inassuteqaatigaat,

- Konto pingaarneq nutaaq - 67.01.13 Sulianik ingerlatitsineranut aningaasaliissutit, aatsitasanut suliaasaqarfimmi eqqartuussivinni suliaasat, 0 korusuninik aningaasaliissuteqarluni (0-nik aningaasartalerlugu aningaasaliissutit taaneqartartoq) pilersinneqassasoq, aamma
- kontomut pingaarnermut 67.01.13 Sulianik ingerlatitsineranut aningaasaliissutit, aatsitassanut suliaasaqarfimmi eqqartuussivinni suliaasat, oqaasertaliussaq nutaaq kiisalu oqaasertaliussamut nassuiaatit 2022-mut ilassutit aningaasaliissutinut inatsimmi ilanngunneqassasut"

Aningaasaqarnermut Ataatsimiititaliap oqaaseqaatai

Ataatsimiititaliap suliamut apeqqutaanut Naalakkersuisut akissutaat ataatsimiititaliamit qujassutigineqarpoq. Naalakkersuisulli suliamik akuerisassanngorlugu ataatsimiititaliamut taama kingusitsigisukkut nassiussinerannut pissutaasoq pillugu ataatsimiititaliap apeqqutaanut Naalakkersuisut akissutaat ataatsimiititaliamit assut isornartoqartinneqarlunilu akuerineqarsinnaanngilaq. Allaffisornikkut taama sivistigisumik kinguaattoornerit siunissami peqqinnginnissaat Naalakkersuisunit qulakkeerneqassasoq ataatsimiititaliamit naatsorsuutigineqarpoq.

Apeqqut: Suliaq siullermik qanga Inatsisartunut Inatsisartulluunniit ataatsimiititaliaannut nassiunneqarnerisooq paasissutissiissutigineqassasoq ataatsimiititaliamit naggasiullugu kissaatigineqarpoq.

Aningaasaqarnermut Akileraartarnermullu Ataatsimiititaliap aalajangerana

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Ataatsimiititaliaq sinnerlugu

Hans Peter Poulsen

Aningaasaqarnermut Akileraartarnermullu Ataatsimiititaliap siulittaasua